



AZKOITIKO UDALA
AYUNTAMIENTO DE AZKOITIA

IRAGARKIA

2022ko maiatzaren 16an emandako Alkatetza Dekretu bidez, honakoa erabaki zen:

LEHENENGOA: Azkoitiko Udalaren eta Azpeitiko Udalaren arteko hitzarmena onartzea, Munoaundi Aztarnategia kudeatzeko eta finantzatzeko, honako klausulen arabera:

“LEHENA. XEDEA

Hitzarmen honen xedea da Azpeitiko eta Azkoitiko Udalen arteko lankidetzaren esparru bat ezartzea, beren udalerrietan kokatutako MUNOAUNDI aztarnategia kudeatzeko, eta ondare historiko artistikoa babesteko eskumena modu egokienean eskaini ahal izateko. Hori guztia, Euskadiko Toki Erakundeek buruzkoa den apirilaren 7ko 2/2016 Legearen 17.1).21 artikulua babesean.

BIGARRENA. MUNOAUNDI AZTARNATEGIA KUDEATZEKO ARDURA.

*Azpeitiko eta Azkoitiko udaletako ordezkariak, hitzarmen honen bitartez, bi udalerrietan kokaturiko MUNOAUNDI aztarnategiaren eguneroko kudeaketari dagokion eginkizunak eta hirugarrenen aurrean ordezkari emateko enkargua **Azpeitiko udalari** egin diote. Bere gain izango da dagokion kontratazio espedientea tramitatzea 2017SPKL-ren arabera, eta urtez urteko jarraipena egitea hitzarmenaren epealdiak dirauen bitartean.*

Azpeitiko Udalak kudeaketa hori “MUNOAUNDI HERRI HARRESITUARE IKERKETA ARKEOLOGIKOAREN AURREPOIKETUA 2022-2025” dokumentuaren baitan egingo du.

Etorkizunerako lan proposamena Aranzadi Zientzia Elkarteak idatzi du Udalak 2020 ekitaldian tramitatu zen kontratu administratiboaren barruan (229K)

Ekitaldi bakoitzari dagokion lanak urtez urte definitu egin beharko dira oinarrizko dokumentuaren arabera. Materialaren analisia eta ikerketak egingo dira, eta baita dokumentazio grafikoaren antolaketa ere. Ekitaldiaren amaieran jardueraren behin behineko txostena idatziko da. Landa-lanak uztaila eta abuztua bitartean egingo dira.

HIRUGARRENA: KUDEAKETAREN EXEKUZIOA, ZUZENDARITZA ETA IKUSKAPEN TEKNIKOA

MUNOAUNDI aztarnategiaren kudeaketagatik erator daitezkeen arazo, interpretazio, aldaketak, kudeaketa eta koordinazio lanen eskumena duen udaleko organo eskudunak ebatzi behar du, Jarraipen Batzordearen proposamena entzun ondoren. Ebazpen hauek jarduera bakoitza izapidetu duen udaleko zerbitzuek bideratuko dituzte.



AZKOITIKO UDALA
AYUNTAMIENTO DE AZKOITIA

LAUGARRENA: HITZARMENAREN JARRAIPEN BATZORDEA

Jarraipen Batzordea eratuko da eta hor egongo dira udal bakoitzaren bi ordezkari: Alkate-udal burua edo berak izendutako ordezeko zinegotzia, eta Kultura gaietarako Teknikari arduraduna edo bere ordezkoa. Halaber, Batzordeak egiten dituen bileretan zerbitzuaren koordinazioa burutzen ari den udalaren kultura-teknikariak parte hartuko du, fede publikoa emateko.

Organo horrek bere kideen gehiagoaren bidez hartuko ditu erabakiak, eta gutxienez sei hilabetetik behin bilduko da.

Ados egon ezean, desadostasun-agiria jasoko da, baino une horretan udalek hartzen dituzten erabakiak berehala exekutiboak izango dira.

Erabaki horiek administrazio-bideari amaiera emango diote eta berorien aurka administrazio-auzaldietarako epaitegian errekurtsioak jarri ahalko dira.

Jarraipen Batzordeari, berriz, zeregin hauek dagozkio:

- Batzorde honen helburu nagusia, MUNOAUNDI aztarnategia kudeatzeko urteko egitasmoa gauzatzeko kudeaketa eginkizunen bilakaera jarraitzea eta bilakaeran sor daitezkeen intzidentziak argitu eta erabakitzea da.*
- Orokorrean, hitzarmen hau indarrean dagoen bitartean, bi alderdien artean sortu daitezkeen gatazkak eztabaidatu eta bien arteko akordio bidez irtenbidea bilatzea.*
- Era berean, Jarraipen Batzordearen ardura izango dira kudeaketaren jarraipena eta ikuskapen teknikoa gauzatzea, baita kudeaketari eta koordinazioa hobetzeari buruzko proposamenak aurkeztea.*

BOSGARRENA: INFORMATZEKO BETEBEHARRA

Hitzarmen hau betetzean sortzen diren administrazioko tramite guztiak garatzeari eta betetzeari buruzko informazioa emango dio dagokin udalak Jarraipen Batzordeari, organo honek egiten duen hurrengo bilkuran.

SEIGARRENA: EKARPENEN KALKULUA ETA ORDAINKETA

Azpeitia eta Azkoitiko udalek finantzatzeko dute MUNOAUNDI aztarnategiaren kudeaketa, udal bakoitzak egiten duen diru-ekarpenekin, hori guztia, klausula honetan xedatutakoaren arabera.



AZKOITIKO UDALA
AYUNTAMIENTO DE AZKOITIA

Udalen ekarpenak honako era honetan gauzatuko dira: Udal arduradunak urte amaieran dagokion kitapena kalkulatu eta helaraziko dio beste udalari.

Kitapena kalkulatzeko, kontutan hartuko dira zerbitzuarengatik egindako urteko ordainketak, udalerrri bakoitzeko biztanle kopuruaren arabera banatuko direlarik. Era honetan, MUNOAUNDI indusketa arkeologikoaren zerbitzuaren kostua era proportzionalen zatituko da bi udalen artean, bakoitzaren biztanle kopuruaren arabera. Kopurua zehazteko, kontuan hartuko da uneko ekitaldiko urtarilaren 1eko Estatuko Estatistika Institutuak (INE) biztanle errolda, edo hori oraindik jakinarazi gabe balego, aurreko urtekoa.

Azpeitiko eta Azkoitiko zerbitzu teknikoek emandako txostenak aintzat hartuta, eta, bere kasuan, Jarraipen Batzordean elkartu ondoren, dagokien diru ekarpena ordainduko dute 30 eguneko epean ordainagiria udaletxeko erregistroan aurkeztu denetik zenbatzen hasita.

Udalen atzerapena sei hilabete baino gehiagokoa bada, Azpeitiko udalak, orobat, hitzarmena desagiteko eta horren ondorioz sortzen diren kalteak jasotzeko eskubidea izango du.

ZAZPIGARRENA. HITZARMENAREN IZAERA ETA ARAUBIDEA

Hitzarmen honek administrazio izaera du. Administrazio publikoen arteko lankidetzaz hitzarmenei aplikatu beharreko antolamendu juridiko eta administratiboaren arabera interpretatu eta garatuko da.

Hitzarmen honek edo bere betearazpenak sor ditzaketen interpretazio arazoak Jarraipen Batzordeak ebatziko ditu.

ZORTZIGARRENA. HITZARMENAREN ONDORIOAK ETA IRAUPENA

Hitzarmenak ez dakar alderdi jarduleek euren eskumenei uko egitea ezta eskumenok aldatzea ere. Alderdi jarduleek hitzarmena sinatuz berez sortzen diren erantzukizunak soilik onartzen dituzte.

Kontratazio-, ondarezko edo beste edozein erantzukizuna eskatzeko espedienteak izapidetuko ditu udal arduradunak, beste udalari audientzia emanaz. Hala ere, eta Munoaundi aztarnategiaren kudeaketa proiektu integral eta bateratua dela ahaztu gabe, udal bakoitzak izango du dagokion erabakia hartzeko ahalmena, bere udalerrriaren esparruan.

Hitzarmenak, sinatzen den unetik, alderdi jarduleak behartuko ditu eta ondorioak izango ditu.



AZKOITIKO UDALA
AYUNTAMIENTO DE AZKOITIA

Hitzarmenaren iraupena, LAU urtekoa izango da, izenpetzen den unetik kontatzen hasita.

BEDERATZIGARRENA: HITZARMENA AZKENTZEA

Aurreko klausulan adierazitako indarraldia bukatzeagatik, edo suntsiarazi delako, azkenduko da hitzarmena.

Alderdietakoren batek hartutako konpromisoak ez baditu betetzen, besteak ahalmena izango du konpromiso hori betetzeko agintzeko edo hitzarmena suntsiarazteko eskatzeko.”

BIGARRENA.- Erabakia Azpeitiko Udalari eta Azkoitiko Udaleko Kontuhartzaitza sailari jakinaraztea.

HIRUGARRENA.- Hitzarmenaren testua Udaletxeko Iragarki Taulan eta Gardentasun Atarian argitaratzea.

Azkoitian, 2022ko maiatzaren 16an.